



**RAPPORT  
ANNUAL  
2022**

# Cuntegn

4– 5	<a href="#">Messadi dal president</a>
6– 7	<a href="#">SRG.R – Activitads da la societad</a>
8– 9	<a href="#">Premi SRG.R 2022</a>
10–11	<a href="#">Rapport dal Cussegl dal public</a>
12	<a href="#">Quint annual</a>
13	<a href="#">Bilantscha</a>
14	<a href="#">Rapport dal post da revisiun</a>
16	<a href="#">Nov president dal Cussegl dal public</a>
18–21	<a href="#">Rapport post da mediaziun</a>
22–23	<a href="#">Gremis da la SRG.R per l'onn 2022</a>
24	<a href="#">La structura SRG SSR per l'onn 2022</a>
25	<a href="#">SRG.R – La commembranza</a>
26	<a href="#">Adressas SRG.R</a>

## In onn cun bleras nauschas novitads

**A**vant in onn aveva constatà che l'invasiun russa en l'Ucraina aveva cumenzà. La guerra cuntinuescha e na para betg dad ir a fin uschè svelt. Trista e deplorabla realitad. Cumpareglià cun questa situaziun en l'Ucraina èn noss problems en Svizra plitost da quels ch'ins pudess titular sco lamentaschuns sin aut nivel. Che quai saja per exempel la chareschia cun pretschs creschents en differents secturs u er la mancanza da persunal qualifitgà en bleras branschas da la fiera da lavur, betg il pli davos er tar la magistraglia rumantscha; In fatg cun consequenzas er per nossa interpresa da medias RTR. Prof. Rico Valär fa la medema diagnosa en ina columna da la Pagina da Surmeir: «Che la scola e las medias èn las grondas sfidas actualas na fa betg surstar. Ins po mo sperar che l'interess politic na vegnia uss betg memia tard...».

Il mument ch'jau scriv questas pitschnas ponderaziuns introductivas n'è l'iniziativa 200 francs bastan anc betg

vegnida inoltrada. Quai po dentant midar fitg svelt, uschia ch'il proxim cumbat per nossa interpresa da medias SRG SSR daventa bainbaud concret. Entant ha il Cussegl Federal prolungà l'atun passà la concessiun actuala enfin la fin dal

2024, ed ina gruppa da tut las unitads da la SRG SSR è actualmain fatschentada cun las discussiuns preparatoricas cun il BAKOM per ina nova concessiun che vegniss relaschada per il 2025. Questas discussiuns tangheschan natiralmain er

RTR che fa perquai er part da la gruppa, e quai cun noss schefredactor Flavio Bundi.

Nossa structura cun las unitads d'interpresa dad ina vart e las societads purtadas da l'autra vart – sco er nossa SRG.R – èn in model unic sin quest mund. Profis ed amatur lavuran per la medema chaussa: in servetsch medial independent, credibel e vardavel che custa a mintga chasada actualmain gnanc in franc a di. Pelvair ina buna investiiziun ch'ins na duess betg periclitir senza motivs raschunavels. Er nossa societad purtadra cun radund 1000 commembras e commembers ha qua sia missiun impurtanta, numnadamain da svegliar chapientscha ed esser garanta per ina SRG SSR che mantegna noss sistem democratic che sa basa sin il dretg e betg sin opportunitads d'in diktatur imperialist.



Dr. Vincent Augustin,  
president SRG.R

## Activitads da la societad

### Sin trais rodas al festival

El n'era betg mo in attirasguards al Festival da chors a Gossau, mabain savens er in rumpaglatsch per discurs interessants, variants e per part er profunds cun visitadras e visitaders dal festival. La fin da matg 2022 ha la SRG SSR Svizra Rumantscha gì in stan ed in Café-Bike a Gossau, ensemen cun la SRG Ostschweiz. Entaifer 5 dis èn da quai da 5000 scadiolas-café idas sur la teca dal vehichel cun trais rodas. Per la SRG.R è quai er gist stà l'ocasiun per applitgar il nov model d'efficacità, il qual la SRG SSR ha approvà la primavaira.

Quest model empermetta da pudair mesirar tge effect che las activitads ed occurrenzas da la SRG.R han. I n'è betg relevant ch'ina occurrenza ha lieu, mabain tge che la SRG.R cuntanscha cun questa. Nus avain dentant er constatà ch'i na fa betg tant senn da definir sco finamira in augment da commembras e commembers. Pli impurtant èsi da stgafir chapientscha per la SRG SSR. Quai

è la finala er ina da las pli impurtantas pitgas da la nova strategia da la SRG SSR. Nus essan persuadids che nus avain cuntanschi questa finamira cun questa bella occurrenza a Gossau.

### Scursani la sonda lunga cun dar troccas

Quest onn ha RTR puspè fatg part al festival da cultura Sonda lunga a Cuira. Er qua è il Café-Bike stà la carta d'entrada per buns discurs. RTR ha purschi bleras attracziuns. Tranter auter han in e scadina pudì star davant la paraid verda, l'uschenumnà Green Screen, per chattar or ils trics ch'ils rescissurs dovran per far sglar insatgi en la televisiun. La SRG.R ha nizzegià quest'ocurrenza per far attenta sin ella. D'ina vart cun il Café-Bike ch'era postà avant l'entrada principala, e da l'autra vart cun in pitschen curs da troccas en l'emprima auzada dal bajetg da RTR. Er qua hai dà buns discurs ed inscuters custaivels.

### La SRG.R a l'OpenAir Lumnezia

La grupp da rap rumantscha *Liricas Anals* è vegnida undrada cun il premi SRG.R 2022. Per communitgar questa decisiun han il president Vincent Augustin e la manadra dal post Sandra Carisch-Killias vuli siglir sin tribuna cun in text spezial per in rap da la grupp. Tgi che ha mirveglias co ch'il rap avess tunà sche la tecnica avess funcziunà, po tadlar quel sin la pagina [www.srgr.ch](http://www.srgr.ch) sut la rubrica publicaziuns e la sut-grupp premis SRG.R.

### Nova forza en suprastanza

Ina da las sfidas da la SRG.R è da chattar commembras e commembers dals gremis en tut las regiuns rumantschas. Nus essan leds d'avair chattà in bun remplazzament per nossa commembra da suprastanza da l'Engiadina, Ladina Simonelli-Zisler. Dapi l'entschatta da l'onn cumplettescha Elvira Pünchera la suprastanza e guarda ch'ils inputs e las ideas or da l'Engiadina na vegnan betg a



la curta. La radunanza generala 2022 ha ultra da quai elegi in successur per la presidenta dal Cussegl dal public partenta. Patric Collet succeda a Carmen

Dedual. El cumenza ses post l'emprim da schaner 2023. Nus givischain tut il bun ad el.

## Premi SRG.R a las Liricas Analas

**A chaschun da l'Open Air Lumnezia han las Liricas Analas dà l'ultim concert da lur carriera. La SRG.R ha nizzegià l'ocasiun per surdar als rappunzs rumantschs il premi SRG.R 2022.**

In dals puncts culminants da l'Open Air Lumnezia era stà annunzià per mesa-notg: il concert d'adia da las Liricas Analas. Ils rappunzs rumantschs ch'èn stads activs durant passa 20 onns èn stads fitg surprais che lur concert è vegnì interrut per annunziar ch'els vegnian onurads. Il president Vincent Augustin, il suprastant Roger Tuor e la manadra dal post Sandra Carisch avevan fatg giu cun il DJ da las Liricas Analas da siglir sin tribuna cun il rap *da bass* ch'els avevan adattà sco suonda: «Nus fagein buc spass – metti uss pli da bass vies bass – lein regalar en cass mega crass – in premi che munglass far spass en mintga cass.» Deplorablament n'ha la tecnica betg funcziunà sco giavischà, uschia ch'els han surdà il premi tut da sitg. Sche Vus vulais dentant taddlar co ch'igl avess tunà, chattais in link sin la pagina [www.srgr.ch](http://www.srgr.ch).

Decidi da surdar il premi a las Liricas Analas aveva la supranza da la SRG.R gia en la seduta da la primavera 2022.

Quai cun l'argumentaziun che la furmaziun è stada ina da las meglras ambassaduras per lingua e cultura rumantscha, ha rappà consequentmain per rumantsch ed ha gi success lunsch sur ils cunfins da la Svizra Rumantscha. Quest engaschi merita grond laud e reconuschientscha. ■



Carmen Dedual, presidenta dal Cussegl dal public SRG.R

## Late Lounge Live, ina novaziun empermettenta

I Cussegl dal public da la SRG.R ha gi quatter sesidas durant l'onn 2022, en las qualas el ha discutà diesch observaziuns cun las personas responsablas per il program da RTR.

Suenter ina greva malsogna da corona ha Carmen Dedual-Caspar communitgà sia demissiun sco presidenta dal Cus-

segl dal public (Cdp). A la radunanza generala dal zercladur 2022 è Patric Collet vegnì elegì sco ses successur. Il november 2022 ha il gremi lura prendì cumià uffizialmain da la presidenta, ensemen cun il president da la SRG.R Vincent Augustin, il directur da RTR Nicolas Pernet ed il schefredactor Flavio Bundi. Ella è stada diesch onns part dal



Cdp, da quai quatter onns sco actuaera e dus onns sco presidenta.

### Ils puncts culminants da RTR sut la marella

En collavuraziun cun la dirigenta da chors d'uffants Flavia Walder ha RTR realisà in chalender d'advent audiovisual cun chanzuns. L'idea era da motivar tut ils uffants da chantar, sautar e zambregiar communablamain. Il Cdp ha gi plaschair da quest chalender d'advent original. Las infurmaziuns da basa cun receipts, texts, models da zambregiar sco er cussegl e trics han dentant surchargià in zic il chalender. Tenor il Cdp fissa questa furma plitost stada adattada per in chalender da l'onn.

Tar la nova purschida da musica Late Lounge Live han musicistas e musicists rumantschs la pussaivladad da preschentar lur musica e lur istorgias live al public. Via livestream pon er ils fans a chasa guardar e tadlar ils concerts.

Ils concerts che vegnan cumplettads cun audios e videos or da l'archiv da RTR han survegnì fitg bunas notas dal Cussegl dal public.

L'emissiun da stad Da Mustér a Müstair ha tematisà la diversità da la mobilitad cun ina spassegiada da Mustér a Müstair sco punct culminant. Via Polarsteps han ins pudì persequitar mintga di ils pass da las trais gruppas da personas e giudair las contribuziuns, las fotografias e las istorgias.

Applaus hai er dà per l'emissiun dal 1. d'avust: la quarta lingua naziunala è stada visibla ed udibla, perquai che las passaschas rumantschas discurrendas han survegnì in suttitel tudestg.

Il podcast Ils dus da nus ha en mira ina gruppa da tranter 18 e 35 onns. Las discussiuns dals dus moderaturs èn lucas ed en ina lingua da giuvenils. Il podcast è fitg popular tar ils giuvenils e plascha bain er al Cdp.

Tar l'observaziun naziunala è vegnì crititgà ch'i dat numerusas contribuziuns da la Surselva e fitg paucas infurmaziuns da la part taliana dal Grischun. La selezziun da novitads naziunalas è dentant stada buna tenor il Cussegl dal public, malgrà che quellas han pertutgà surtut la Svizra tudestga. RTR dastgass includer anc pli fitg las regions linguisticas franzosas e talianas. ■



Carmen Dedual

## Quint annual

	2022	2021
<b>Entradas da gestiun</b>	<b>317 448.90</b>	<b>354 547.50</b>
Contribuziuns commembranzas	22 330.00	21 536.00
Contribuziuns SRG SSR (incl. TPV)	293 000.00	331 716.00
Tschains ed ulteriuras entradas	2 118.90	1 295.50
<b>Expensas da gestiun</b>	<b>297 000.55</b>	<b>280 546.50</b>
<b>Expensas organs</b>	<b>143 975.65</b>	<b>132 264.00</b>
Expensas organs da l'uniun *	76 048.80	73 812.00
Expensas organs da surveglianza	56 158.65	47 703.45
Radunanza generala	11 768.20	10 748.55
<b>Lavur publica</b>	<b>43 771.62</b>	<b>8 861.05</b>
Occurrenzas	4 794.92	3 231.00
Publicaziuns	4 868.00	5 324.05
Represchentaziun e contacts	2 619.50	306.00
Projects per rinforzar la societad	23 339.20	0.00
Premi SRG.R	8 150.00	0.00
<b>Expensas administrativas</b>	<b>109 253.28</b>	<b>139 421.45</b>
Infrastructura e paja secretariat	105 425.25	118 799.00
Material, stampats	2 327.00	51.70
Portos, contabilitad, spesas banca etc.	936.03	999.30
Taglia sin plivalur	565.00	19 571.45
<b>Expensas extraordinarias</b>	<b>-59.35</b>	<b>40 108.90</b>
Giubileum 75 onns SRG.R	-59.35	40 108.90
<b>Total Prelevaziun</b>	<b>0.00</b>	<b>25 000.00</b>
Prelevaziun per projects SRG.R	0.00	25 000.00
	<b>20 507.70</b>	<b>58 892.10</b>

\* suprastanza total brutto: 50800  
 pauschala president: 16200  
 pauschala spesas president: 3800

## Bilantscha

	31-12-2022	31-12-2022	31-12-2021	31-12-2021
<b>Activas</b>	<b>365 039.41</b>		<b>356 611.25</b>	
Banca chantunala CK 090.817.700	110 327.10		164 641.32	
Banca chantunala 00 090.817.703 (depot)	27 773.25		27 336.35	
Banca chantunala 00 090.817.700 USD	106.00		126.97	
Debiturs	81 388.30		500.00	
Taglia anticipada	952.76		715.21	
Activas transitoricas	5 000.00		4 784.40	
Vaglias	139 492.00		158 507.00	
<b>Passivas</b>		<b>365 039.41</b>		<b>356 611.25</b>
Crediturs		305.55		0.00
Passivas transitoricas		3 848.75		17 223.25
Retenziun vaglias		43 025.14		62 035.73
Retenziuns/reserva projects SRG.R		32 000.00		12 000.00
Facultad		265 352.27		206 460.17
Resultat annual		20 507.70		58 892.10
	<b>365 039.41</b>	<b>365 039.41</b>	<b>356 611.25</b>	<b>356 611.25</b>

## Rapport dal post da revisiun

Sco post da revisiun avain nus controllà la contabilitad ed il quint (bilantscha, quint da gudogn e sperdita) da la SRG SSR Svizra Rumantscha per l'onn da gestiun terminà ils 31 da december 2022.

Nossa controlla avain nus fatg tenor ils princips reconuschids che la controlla sto vegnir planisada ed exequida, uschia ch'ins eruescha cun gronda segirezza sbagls essenzials en il quint annual. Nus avain examinà ils posts e las indicaziuns dal quint annual cun agid d'analysas e retschertgas a basa d'emprovas da controlla. Plinavant avain nus giuditgà l'applicaziun dals princips da facturaziun relevants, las valitaziuns generalas e la preschentaziun dal quint annual sco entir. Nus essan da l'opiniun che nossa controlla saja ina basa sufficienta per noss giudicament.

Tenor noss giudicament correspundan la contabilitad ed il quint annual a la lescha ed als statuts. Nus recumandain d'approvar il quint annual 2022.

Ils revisurs da Ia SRG.R



**FLAVIO MURER**

*expert cun dipl. fed.  
en economia bancara*



**JACHEN CURDIN BRUNOLD**

*fiduziari cun certificat  
professionnal federal*



Jachen Curdin Brunold



Flavio Murer



## Nov president Cussegl dal public



Purtret

**Num** – Collet  
**Prenum** – Patric  
**Num usità** – Patrick – dapi l'emprima classa scriv jau mes num dentant be cun in c, cunquai che la scolasta aveva ditg ch'i na dettia nagin k en l'alfabet rumantsch.  
**Data da naschientscha** – 08-07-1979  
**Naschi a** – Cuira

**Lieu da domicil** – Cuira, creschì si a Riom  
**Stadi civil** – maridà, 2 uffants (6 ed 8 onns)  
**Linguatgs** – Rumantsch e tudestg. Ultra da quai discur jau pulit englais, talian e franzos. Spagnol saveva era pulit bain – ussa tanschi dentant be anc per empustar ina gervosa.  
**Fan da** – nagin en spezial  
**Fragliuns** – ina sora pli giuvna  
**Animals da chasa** – Nagins, e quai duess restar uschia.  
**Menu preferi** – Tratgas tradiziunalas sco capuns, maluns u bizochels. I dastga dentant gugent era esser mintgatant in zic pli exotic.  
**Il damangiar il pli sgarschavel** – Intestaine. Hai jau mangià en China – betg

savend ch'i sa tracta dals dadens. Quai era definitiv memia exotic.  
**Il pli bel film/seria** – Films dad action e documentaziuns da tut genres.  
**Cudesch preferi** – la gasetta  
**Musica che va a cor** – Ina da mias chanzuns preferidas è Hells Bells da AC/DC. Jau sun fitg avert per tut ils genres da musica. Perquai taidla gugent e savens radio.  
**Lieu preferi** – Cun mia dunna hai jau fatg durant in onn in viadi dal mund. Era uschiglio ha jau gia vesì pulit bler dal mund. Bel èsi en bliers lieus, uschia che jau na sai betg numnar in lieu preferi specific – sper la Svizra, sa chapescha.  
**Hobis** – Ir cun skis. Chantar. Passentar temp cun la famiglia. Mangiar bain. ■

Sandra Carisch-Killias

## Roschadas en il Cussegl dal public

L'onn 2022 hai dà pliras roschadas en il Cussegl dal public. La presidenta dal Cdp, Carmen Dedual-Caspar, n'ha betg mo abditgà sco presidenta, ella è er sortida dal Cussegl dal public, dal qual ella ha fatg part 10 onns. Nov, sco represchentant dal Surmeir en il Cdp, è Mèn Candreia da Stierva. El ha 28 onns ed è scolast primar a Lantsch. ■



Il zercladur 2022 ha la commembra

## Tina Vulpi

da Ostermundigen, che represchentava la diaspora, annunzià ch'ella na possia betg far part pli a quest gremi pervi d'ina greva malsogna.

Il 21 da favrer 2023 ha Tina pers il cumbat cunter ses cancer. Ella è morta en la vegliadetgna da mo 39 onns. Nus la tegnain en regurdientscha sco dunna fitg engaschada ch'aveva ina moda e maniera fitg fina da communitgar ses resuns en il Cdp.

Tina Vulpi è stada durant tschintg onns commembra dal Cussegl dal public. Ch'ella ruaussia en pasch.

# «S-chanf vul vender terren al figl dal president – e pir suenter enzonar quel»

Telesguard dals 10 da november 2021



## Situaziun da partenza

I. Cun la brev dals 30 da november 2021 ha la vischnanca da S. fatg la reproscha ch'il Telesguard dals 10 da november 2021 haja zuppentà sappientivamain fatgs essenzials ed haja rapportà da moda unilateral e per part sbagliada. Ultra da quai saja il commentari sa concentrà sin pretenziuns e remartgas polemicas envers la vischnanca che servian a votar cunter la suprastanza e cunter il president communal. I na saja betg in rapport equilibrà en connex cun ils fatgs che sa basa sin la situaziun.

II. Flavio Bundi, schefredactur da RTR, ha prendì posiziun envers questa critica sco suonda:

«Igl è l'incumbensa dal schurnalissem d'integrar, da metter en dumonda ils eveniments ed er da resguardar quels en moda critica. Impurtant è ch'il public po adina sa furmar ina libra opiniun. La contribuziun correspunda a quest punct. Tran-

ter auter han tut ils acturs relevants per l'istorgia la medema pussaivladad da s'exprimer davart las dumondas e davart ils fatgs. Quai declera er l'equiliber, la fairness e l'autorizaziun da rapportar en connex cun la tractanda.»

## Ponderaziuns dal post da mediaziun

Ins sto partir dal fatg che la vendita da las 2500 m<sup>2</sup> na fiss betg stada tema per la suprastanza communal, sche signur A. na fiss betg sa declerà pront da midar la parcella nr. 911 (senza indemnisaziun) en la zona per hotels. Ils elements menziunads tutgan ensemen ed èn ina part da la fatschenta cun la vischnanca. La vendita dals 2500 m<sup>2</sup> na dastga perquai betg vegnir commentada senza menziunar la midada da zona da la parcella nr. 911. En la contribuziun crititgada è quest connex vegnì taschentà dal tuttatfatg. La midada da zona da la parcella nr. 911 sco circumstanza essenziala n'è betg stada tema.

Il focus è sulettamain vegnì mess sin la vendita dals 2500 m<sup>2</sup>. Uschia n'han las aspectaturas ed ils aspectaturs betg pudì sa far in maletg da l'entira situaziun. En la contribuziun èsi vegnì sugerì che signur A. duaja vegnir als 2500 m<sup>2</sup> per in pretsch favuraivel perquai ch'el è il figl dal president communal. En quest regard ha RTR violà il princip d'objectivdad. ■

## «Meztga da chasa a Schlans»

Cuntrasts da la dumengia, ils 9 da schaner 2022

### Situaziun da partenza

**I.** Cun in e-mail dals 11 da schaner 2022 ha B. inoltrà ina reclamaziun cunter l'emissiun Cuntrasts dals 9 da schaner 2022 concernent Meztga da chasa a Schlans. La persuna ha fatg valair che RTR haja cuntrafatg a la lescha davart la protecziun dals animals ed al respect cunter la vita d'animals.

**II.** Flavio Bundi, schefredactur da RTR, ha prendi posiziun envers questa critica sco suonda:

«La contribuziun è adeguata: Ella documentescha ina meztga professiunala e reflectescha il medem mument nossa relaziun cun animals e cun il consum da charn. La documentaziun permetta a l'aspectatura da far in agen maletg.»

### Ponderaziuns dal post da mediaziun

I na dastgass strusch dar ina spezia da mazzar in animal che capita a moda pli ruassavla e senza stress sco er pli respectabla che quai che quella ch'è vegnida mussada en l'emissiun contestada. L'animal vegn mazzà en ses conturn usità/enconuschent, uschia ch'il viadi a la chasa da maz n'è betg necessari.

RTR n'ha mussà nagina reportascha davart maltractament d'animals e n'ha er betg rapportà senza respect davart ina vita d'animals.



# Gremis da la SRG.R per l'onn 2022

## La suprastanza SRG.R

Ella maina las fatschentas da la SRG.R ed è responsabla per tut ils fatgs che n'èn betg reservads expressivamain per in auter organ tenor lescha u tenor ils statuts e reglaments d'organisaziun da la SRG.R e da la SRG SSR.

**DR. VINCENT AUGUSTIN**,  
advocat, *Mon*, president

**ELENA LUZIO**,  
Scheuchzer AG, manadra vendita  
e marketing, *Turitg*, vicepresidente

**DR. GION LECHMANN**,  
manader da l'Uffizi per la furmazion  
media-superiura, *Falera*

**ELVIRA PÜNCHERA**,  
magistra e mainascola, *S-chanf*

**ROGER TUOR**,  
magister e mainascola, *Mustér*

## Il Cussegl regiunal SRG.R

Il Cussegl regiunal (CR) cumpiglia 15 persunas (diesch elegidas da la radunanza generala e tschintg elegidas da la

suprastanza). Il CR (presidià dal president SRG.R) ha l'incumbensa da far enconuscent la funcziun politica e socio-culturala da la SRG.R e francar RTR en la populaziun rumantscha. La suprastanza SRG.R assista al CR cun vusch consultativa.

**DR. VINCENT AUGUSTIN**, president  
ed ils commembers da la suprastanza

## Elegids entras la radunanza generala

**LETA À PORTA-RITZ**, commerzianta, *Scuol*  
**DANIEL ALBERTIN**, pur, *Mon*

**GIAN-LUCA AUGUSTIN**, student PHZH, *Mon*  
**NORA BALTERMIA**, studenta communica-  
ziun e scienza sociala, *Salouf*

**ANDREAS CADONAU**, pur e schurnalist,  
*Vuorz*

**VITUS DERMONT**, rector e magister  
pensiunà, *Laax*

**KARIN KOHLER-PATTIS**, editura  
ed emploiada mercantila, *Domat*

**GIAN MICHAEL**, pur, *Donat*  
**RITA MÜLLER-TRUTTMANN**, magistra  
primara e pedagoga curativa, *Susch*

**MADLAINA SCHLOETH-BEZZOLA**, magistra,  
*Scuol* (enfin settember 2022)

**MICHAEL E. SPESCHA**, manader chanzlia,  
*Ilanz/Glion*

**LINARD WEIDMANN**, interprendider  
e deputà, *Champfèr*

## Elegids entras la suprastanza

**ROMANA GANZONI**, autura e presidenta  
da la vischnanca burgaisa, *Schlarigna*

**PATRICK SCHANIEL**, manader acquist  
da terren tar l'UCB GR e president  
communal, *Sumvitg*

**ZEGNA PITTET-DOSCH**, magistra,  
*Cunter*

## Il Cussegl dal public

Il Cussegl dal public (CDP) cumpiglia 15 persunas. Da quellas èn 8 (incl. il president/la presidenta) elegidas da la radunanza generala, quatter èn elegidas da la suprastanza SRG.R e trais èn cooptadas dal CDP. Il CDP è in organ consultativ che persequitescha il svilup ed ils products dal program da RTR.

## Elegids entras la radunanza generala

**CARMEN DEDUAL**, magistra e promotura  
regiunala LR, *Tusaun*, presidenta

**CURDIN ALBIN**, collavuratur academic,  
graficher, *Cuira*

**CURDIN CADUFF**, magister primar,  
*Schluain*

**PASCAL GIAN CAMINADA**, collavuratur  
scientific/manader da project,  
*Domat*

**PATRIC COLLET**, interprendider,  
*Cuira*

**SELINA CRIVELLI-CADUFF**, manadra  
finanzas/persunal, *Degen*

**SIMONA DEMARMELS**, magistra  
primara, *Savognin*

**ALINA HENDRY**, magistra primara, *Trin*  
**URSINA SCHMED-CATHOMAS**, magistra,  
mussadra e commercianta, *Trun*

**ADRIAN VILETTA**, magister secundar,  
*Scuol*

## Elegids entras la suprastanza

**ALICE BERTOGG**, promotura regiunala LR,  
*Sevgein*, vicepresidente

**GIANCARLO CONRAD**, magister, *Müstair*

**ALBERTO PALAIA**, istoricher, emploià  
dal chantun, *Glion*

**MARTA LEMM PETER**, mussadra,  
manadra da curs da linguatg, *Bever*

## Cooptads dal Cussegl dal public

**TINA VULPI**, magistra, studegià germa-  
nistica ed istorgia, *Ostermundigen*  
(enfin zercladur 2022)

## Represchentanza SRG.R

### en ils organs da la SRG SSR il 2022

Cussegl d'administraziun SRG SSR:

**DR. VINCENT AUGUSTIN**

Radunanza da delegads SRG SSR:

**DR. VINCENT AUGUSTIN**,

**DR. GION LECHMANN**, **ELENA LUZIO**

Cussegl regiunal da la SRG.D:

**DR. VINCENT AUGUSTIN**,

**DR. GION LECHMANN**, **ROGER TUOR**

Cussegl dal public SRG.D:

**CARMEN DEDUAL** (enfin fanadur 2022),

**PATRIC COLLET**, **GIANCARLO CONRAD**  
(dapi avust 2022)

# La structura SRG SSR per 2022

Radunanza da delegads SRG SSR							
Cussegl d'administraziun SRG SSR <i>Jean-Michel Cina, President</i>				Post da revisiun <i>Prüfungsgesellschaft BDO AG</i>			
Secretari central <i>Iso Rechsteiner</i>		Manader revisiuns internas <i>Jean-Blaise von Arx</i>		Manader revisur <i>Martin Nay</i>			
23 540 commembers/-bras per la fin 2022							
SRG.D SRG Deutschschweiz <i>Andreas Schefer, Präsident</i>		RTSR Radio Télévision Suisse Romande <i>Mario Annoni, président</i>		Corsi Società cooperativa per la Radiotelevisione svizzera italiana <i>Luigi Pedrazzini, presidente</i>		SRG.R SRG SSR Svizra Rumantscha <i>Dr. Vincent Augustin, president</i>	
Regionalrat	Regional- vorstand	Conseil régional	Comité régional	Consiglio regionale	Comitato del Consiglio regionale	Cussegl regional	Suprastanza
Publikumsrat <i>Martin Peier, Präsident</i>		Conseil du public <i>Gérald Berger, president</i>		Consiglio del pubblico <i>Martina Malacrida, presidenta</i>		Cussegl dal public <i>Carmen Dedual, presidenta</i>	
Ombudsstelle <i>Esther Girsberger, Kurt Schöbi</i>		Organe de médiation <i>Raymonde Richter</i>		Organo di mediazione <i>Francesco Galli</i>		Servetsch da mediaziun <i>Toni Hess</i>	

# SRG.R – La commembranza

## Commembranza tenor idiom

459	sursilvan
166	vallader
92	surmiran
68	sutsilvan
74	puter
18	tudestg
125	betg inditgà idiom
1002	dumber da commembras e commembers SRG.R per ils 31-12-2022

## Interessant a savair

103	commembras/commembers abiteschan ordaifer il chantun Grischun
200	commembras/commembers abiteschan ordaifer l'intschess rumantsch, ma en il Grischun
31	uniuns fan part da la SRG.R
35	persunas giuridicas/vischnancas èn commembras

# Adressas SRG.R

## SRG SSR Svizra Rumantscha

Secretariat  
Sandra Carisch-Killias  
Via da Masans 2  
7000 Cuira

Telefon +41 (0)58 136 31 30

sandra.carisch@srgr.ch  
www.srgr.ch



Sandra Carisch-Killias

## Servetsch da mediaziun

dr. iur. Toni Hess  
Böschenstrasse 79  
7000 Cuira

Telefon +41 (0)81 257 33 26

toni.hess@stv.gr.ch



Toni Hess

ediziun SRG SSR Svizra Rumantscha  
concept e mainproject Sandra Carisch-Killias  
grafica e layout Maissen grafica e web  
foto frontispizi Sandra Carisch-Killias  
stampa Casanova Druck Werkstatt AG  
dumber 1100 exemplars

Cuira, avrigl 2023

**SRG.R**

«Crear chapientscha,  
pussibilitar la participaziun,  
viver l'engaschi.»